



**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Observationes in Cap. VIII. circa Episcopos, atque alios Prælatos.

[urn:nbn:de:hbz:466:1-74413](#)

in quibus, Præbendā in duas Partes divisā, unaquæque sufficit ad alcendum Posseforem. 2. Casuum, in quibus Judge, addicto Beneficio uni Litigantium, Pensionem alteri assignat, quod sit solum ad tempus 3. Casus est, cum Episcopus Hæreticus, cui alius propter Hæresim fuit substitutus, convertitur, eique assignatur pars Episcopatus; quod argumento parum congruit. Tres alii Casus sectionis reprobantur.

Regula ultima, loquens de invasione Præbendæ, pertinet potius ad *Primam Partem*; quippè acquisitionem respiciat: forte etiam pertinet ad *Secundam*, ratione pœna huic usurpationi annexa; ideoque ibi collocata fuit REG. LXXVII.

OBSERVATIONES in CAP. VIII. circa EPISCOPOS atque alios PRÆLATOS

Adjicere oportebat Titulo hæc verba, generatim spectatos; hoc enim Caput nec non *Cap. IX. & X.* loquuntur de Prælatis in genere, nec nisi in *Cap. XI.* sigillatim dicitur incipit unaquæque species Prælatorum, ut patet ex Titulo & materia Capitis illius.

Prælati, qui Episcopis in Titulo junguntur, non sunt soli Prælati illis Superioris (id monet Præfatio) verum etiam Inferiores; argumentum hujus Capitis & duorum sequentium id probat.

Dividitur in *Quæstiones* X. In *quatuor* prioribus indicantur solum loca Corporis Juris, in quibus de illis agitur. Idem fit in plerisque Regulis, per quas cætera *Quæstiones* deciduntur & sèpè nullus est ordo genuinus inter Regulas. Nulla sunt generales, sed respiciunt tantum Partem materia *Quæstionis*. *Quæstio* IX. loquens de Jure supplendi defectum Prælatorum Inferiorum, ultimo loco ponit debuisset: nam *Decima* agit de Re, ad quam Jus illud extenditur, nempè de potestate Prælatorum in Res Ecclesiasticas, & de eorum Privilegio: imò satius fuisse de eo Jure non differere, nisi post Tractatum de Electione; quoniam locum habet in Electionibus, perindè atque in Collationibus, Præsentationibus, aliisve Attributis Ecclesiasticis & Facultatibus illos faciendo.

QUÆSTIONES I. II. III. IV.

In *Quatuor* prioribus *Quæstionibus*, disputatur de origine verbi *Episcopus*; de significacione ipsius, variis Episcoporum speciebus; & discrimine Episcoporum à Chorpiscopis. Id annotatum fuit, ne similitudo nominis, aequivocationem pareret.

QUÆST. V. Dignitas Episcoporum.

Quinta de Episcoporum Dignitate, reducitur ad prærogativam in eo sitam, quod sint Successores Apostolorum; quippè quæ reliquias omnes contineat.

QUÆSTIO VI. de Gradibus Dignitatis Episcopalis.

Argumentum *Sextæ* idem prorsùs videtur, ac *Tertia*: nam Gradus Episcoporum sunt discrimina inter eos intercedentia, in eo conficiantia; quod alii sunt simplices Episcopi; alii Archiepiscopi, priorum Superiorum immediati; alii Patriarchæ, Superiorum Primatum; alii denique Papa, qui omnium est Caput, & eadem Superior singularum specierum, sicut uniuscuiusque individui, seu membra.

Autor non loquitur nominatum nisi de Gradibus inter Patriarchas Romæ, Constantinopolis, Alexandriae, Antiochiae, Hyerosolimiarum; quod fortè venit ex eo, quod hæ Sedes sola sint, quorum ordo sit determinatus; & præterea, cætera Sedium species includuntur.

tur sub Sedibus Patriarcharum, qui sibi subjectos hadent Primates, Archiepiscopos & simplices Episcopos.

Quod dicit in REG. II. Sedem Romanam esse eminentissimam, & primam omnium, includitur in eo, quod dictum fuit, Papam esse Caput; hac enim qualitas ipsi Primariam Sedem attribuit. REG. IV. procedere debuisset *Tertiæ*: nam prioritas Sessionis, quæ vulgo in simplicibus Episcopis ex anterioritate Consecrationis estimatur, sicut in Archiepiscopis prioritas Provisionis, aut Receptionis ipsorum, ordinem Suffragiorum, & Subscriptionum constituit.

Quod dicitur hæc in *Regula*, prærogativam Dignitatis accipi à tempore Ordinationis, locum habet solum erga eos, qui meram habent Ordinis Dignitatem, v. g. simplices Episcopos, Presbyteros, Diaconos, Subdiaconos: nam inter eos, qui alia, praeter Ordinem, Dignitate potiuntur, illa huic cedit; unde fit, ut Archiepiscopi, Archipresbiteri, Archidiaconi, præcedant Episcopos, Presbyteros, Diaconos anterius ordinatos.

Quod legitur in *Reg. V.* oppositionem unius è Partibus, quarum inter se, impedita pactum & conventionem circa Primatiam, fundatur in *Regula*, *Quod omnes tangit, ab omnibus approbari debet*.

QUÆSTIO VII. De loco Episcopatus.

QUATUOR REGULÆ, quæ huic *Quæstiōni* subsunt, expositione indigent. Ab omnibus excipiendi sunt causæ urgentis necessitatis, aut evidenti utilitatis. Nam, 1. si Regio multos habuerit Incolas: pauciores vero Civitates, cur non confiuerentur Episcopatus in minoribus Oppidis, quæ ab invicem remota essent, & quorum intervallum plurimi Pagis, aut Burgis, esset refertum? 2. Magnus est numerus Civitatum, quæ caruerunt Episcopo pluribus Sæculis, & tandem Episcopum adeptæ sunt; 3. si Urbs Episcopum occidat; nonne satius est Sedem ad aliud ejusdem Diocesis Oppidum transferre, quæ Episcopatum supprimere. 4. Cum Provinciæ vastiores, rari simos habent Incolas, Episcopatus vicini esse nequeunt, nisi inutiliter, atque indecenter multiplicentur.

QUÆST. VIII. Officia Episcoporum.

Nullus est ordo inter REGULAS LXXI. hujus *Quæstionis*. Primo loco proponenda erant Regulae pertinentes ad Officia Episcoporum erga Clerum & Populum, & continuâ serie colligenda; tūm ex, quæ respiciunt Officia Episcoporum erga Personas Ecclesiasticas, Sæculares, & Regulares, initio ducto ab Officiis erga Capitulum, quibus subjecerentur Officia erga Parochos; denique Officia erga Monachos & Moniales. A Personis, ad Bona Ecclesiastica pergendum, & ab his, ad Loca. Sic argumentum hoc distinximus in Tractatu de *Jurisdictione*.

Loquendo de singulis muneribus five communibus, five specialibus, jungi oportuisset quidquid ad illa pertinet, quod neglectum fuit. v. gr. delibato Instrutionis officio, transit ad officium Correctionis & Coercitionis; deinde plures subnecit Regulas, circa munus instruendi: tales sunt imprimis REG. XXI. XXII. de Magistris, Doctoribus, aliisve Personis, quas Episcopi constituere debent, ad docendum, incepit disputatione de Officiis erga Monachos, sub Titulo speciali, per Regulas V. ad alia munera transit sub eodem Titulo. Officia quoad Pontificem permiscue traduntur, cum Officiis erga Diocesanos. Officia circa Bona Ecclesiastica, cum Officiis erga Personas miscentur, etiam ea, quæ facere debent Episcopi, cum iis, quæ vitare tenentur: denique, Officia Episcopo, merisque Fidelibus communia, cum muneribus illi peculiaribus.

Inutile est afferre probationes horum viatorum, quæ facile apparebunt cuilibet legenti has Regulas. Ex eadem lectione patebit, Regulas absque necessitate multiplicari, exponendo singulas alicuius Officii